

Dico 2. Hanc gratiam duplo majorem verisimiliter postulavit Elisæus, quam fuerat in Elia. Unde Hebrei sic exponunt : *Fiat in me spiritus tuus duplex*; id est, habeam duplo majorem, quam tu ipse habes : idque probat R. Salomon ex eo, quod in Scripturis legatur Elias fecisse octo miracula, Elisæus vero sexdecim, quæ singula reperiuntur recensita apud Lyranum in hunc locum.

Imo et inter scriptores christianos S. Petrus Damiani serm. 2 de Nativ. S. Joan. Baptiste dicit : *Si sacrae historiae tenorem inspicimus diligenter, ubiorem, sive clariorem Elisæum quam Eliam in miraculum fuisse virtutibus inveniemus*. Et opusculo sexto cap. 13 tractans de hac materia, rursus ita scribit : *In exhibendis sane miraculorum signis, vel in prophetice oraculis... gratia sancti Spiritus minuitur, vel augetur*. Sicut a magistro Elisæus petuit, dicens : *Peto, inquit, ut fiat duplex spiritus tuus in me*. Quæ nimurum petitio in Elisæi miraculis impleta fuisse dignoscitur, in quibus certe et major virtus, quam in Eliæ signis, et duplex numerus invenitur.

Accedit S. Ambros. serm. 2 de Elisæo, qui exclamat : *O haereditas pretiosa! in qua plus haeredi relinquitur, quam habetur, plus consequitur qui accipit, quam possideret qui largitur!* Per duplum spiritum, etiam duplo majorem intelligit Theodoretus, Q. 7 cum Græcis.

Favet etiam quod sub Elia famæ fuerit trium annorum et sex mensium, sub Elisæo duplo longior, scilicet septem annis, etiam ab ipso prædicta, infra cap. VIII. Sed et LXX interp. vertunt : *Fiat jam spiritus, qui est in te, duplex in me*.

Atque ita etiam legit S. P. Aug. Epist. 57, ubi ita scribit : *Cum igitur qui ubique est, non in omnibus habitat, etiam in quibus habitat, non aequaliter habitat*: nam unde est illud quod Elisæus poposcit, ut duplex in eo fieret spiritus Dei, qui erat in Elia? Et unde in omnibus similibus sunt alii aliis sanctiores, nisi abundantius habendo habitationem Dei? Ubi S. doctor satis insinuat, quod petierit Elisæus spiritum duplo majorem spiritu Eliæ. Et Tract. 74 in Joan. rursus dicit August. : *Non solum non habenti, verum etiam habenti non incassum promittitur [spiritus sanctus], non habenti quidem ut habeatur, habenti autem ut amplius habeatur: nam nisi ab alio minus, ab alio amplius habetur, sanctus Elisæus sancto Elia non diceret: Spiritus, qui est in te, duplex sit in me*.

Dices 1. Si Elisæus postulasset spiritum duplo majorem spiritu Eliæ, hoc inverecundum, imo præsumptuosum fuisset.

R. Neg. assumpt. quia ista postulatio non invercunda, imo multo minus præsumptuosa fuit, sed e contra maxime laudabilis exitit, eo quod dilectionis instinctu ob salutem proximi Elisæus duplicita signa facere postulaverit, per quæ converteretur populus ad verum Dei cultum, et in vera Dei religione versetur.

Atque hinc etiam solutio peti potest, si objiciatur illud Matth., X : *Non est discipulus supra magistrum*.

Nam licet iste locus alter intelligatur, quam objectio pretendit; tantum exhibitione miraculorum, ex optimo fine assignato, Elisæus Eliam superare voluit. *Elias ergo major est, quam Elias, in exhibitione signorum, quem tamen nequaquam superat in cumulo meritorum*, ait S. Petrus Damiani serm. 2 de Nativ. S. Joan. Baptiste.

Dices 2 : Ecclesiastici XLVIII, 4 dicitur ad Eliam, post recensita ejus elogia : *Quis potest similiter gloriaris tibi?* Ergo ille majori spiritu fuit prædictus, quam Elisæus.

R. quod ibidem y. 13 dicatur : *Et in Elisæo completus est spiritus ejus*. Si in eo completus, ergo in ipso non fuit minor; sed econtra fuit major, ut patet ex ante dictis. Verba itaque objecta non videntur intelligenda de sanctis Eliis posterioribus, sed de anterioribus; et horum nullus poterit gloriari sicut Elias, quia nullus ipsum suscitavit mortuum, quod tamen fecit Elias; uti observat Bonartius in citatum Ecclesiastici locum.

y. 12: *Elisæus autem videbat (ad caeli sublima ferri Eliam) et clamabat: Pater mi, pater mi, currus Israel, et auriga ejus*. Hebraice habetur perasau, id est, equites ejus, ut etiam vertunt Pagninus et Arias. Est ergo Elisæi acclamatio intelligenda de currus non vulgari, sed militari, seu falcato; ex quibus curribus in acie pugnabant. Unde etiam apud LXX non habetur : *Auriga, sed: Eques ejus; quia scilicet curruum bellicorum aurigae erant equites*.

Sensus igitur est : Vale, o Elia pater mi, qui melior eras Israeli oratione tua curribus et equitibus, ut veritatem chaldaeus : quasi unus Elias, sicut et olim Moyses, Exod., XVII, esset populo Dei pro integro exercitus. Siquidem Hebrei per currum, et aurigam more adagiali designant summum in adversis praesidium, et columnam, sicut et latini cum vocant aliquem anchoram reipublicæ, columnam patriæ, etc.

y. 23: *Ascendit autem (Elisæus) inde (nempe ex agro jerichontino, ubi aquas salsuginis ex vicino mari Mortuo infectas sanaverat) in Bethel*, sive ut visitaret congregationem prophetarum ibidem manentium, ut putat Lyranus, sive ut oppugnaret alterum ex vitulis aureis, tanquam idolum a Jeroboamo constitutum, ut arbitratru A Lapide.

Cumque ascenderet per viam, pueri parvi egressi sunt de civitate, et illudebant ei, dicentes : *Ascende catæ*. Vocantur hi pueri parvi, quia nondum annos adolescentiae attigerant, sed jam erant judicii capaces, qui convitiari poterant, ne dicam blasphemare, inquit Tertullian. IV cont. Marcion. cap. 15. Puta eos fuisse novem, aut decem annorum, ut patet ex ipsa petulantia et maledica irrisione : ideoque a culpa non fuerunt immunes.

y. 24: *Qui cum respxisset, vidit eos, et maledixit eis in nomine Domini*: id est, invocato Dei nomine, pueris a Deo punitionem expetiit, justamque eis imprecatus est vindictam; quia injuria, quæ inferebatur ejus personæ, redundabat in Deum. Atque hæc est prima causa, cur id fecerit Elisæus ex juxto reli-

templum Remmon (quo nomine significabatur idolum excelsum, puta primarium totius Syrie) ut adoret, et illo innidente super manum meam, si adoravero in templo Remmon, adorante eo in eodem loco, ut ignoscat mihi Dominus servo tuo pro hac re.

Respondit autem Elisæus y. 19: *Vade in pace*, quasi annuens petitioni ejus. Unde hinc oritur quæstio, an adoratio Naaman Syri in templo Remmon fuerit obsequium mere civile et politicum, an autem communicatio in ritu idololatrico.

Arbitratur Hugo cardinalis, quod Naaman rogaverit Elisæum, quatenus deprecaretur Dominum, ut ignosceret ei adorationem simuatoriam, utique idoli. Et postquam sibi objecisset, quod simulare idololatriam sit illicitum, adeoque quod Elisæus non poterit ei dicere : *Vade in pace*, respondet quod forte Naaman promiserit Elisæo, se omnino recessurum a rege, loco et tempore opportuno; et ideo ob favorem religionis (quia neophytus erat, id est recenter ad fidem conversus) dispensavit cum eo ad tempus, ut maneret inter gentiles, ut sic melius prædicaret fidem unius Dei latenter, ut magis crederetur, quia rex in summa reverentia eum habebat. Ita auctor citatus.

Dionys. Carthusianus in hunc Scripturæ locum dicit : Cum Naaman dispensatum videtur, ut regi suo communicaret, non simulando idoli adorationem, sed quantum ad locum communicando cum rege idololatria, ita ut Naaman in eo sano adoraret Deum verum, in quo rex adorabat idolum : quod, inquit, non est malum in se, quia ubique potest Deus adorari et coli; quia tamen hoc poterat apud ignorantes habere speciem mali, qui existimare poterant, quod causa idololatria illuc ingredieretur : quoad hoc putat auctor citatus illum indigne dispensatione.

R. et dico 1. Falluntur, qui dicunt Elisæum dispensasse cum Naaman, ut licite posset simulare adorationem idoli Remmon. Ratio est, quia non tantum adorare idolum, sed etiam simulare talem adorationem est per se malum, sive contra jus naturæ, adeoque indispensabile. Nec sunt facienda mala ut eveniant bona.

Dico 2. Varii sustinent, adorationem Naaman non fuisse obsequium mere politicum, sed veram simulationem idololatriæ. Hanc sententiam tradit Gregorius noster de Valentia, Tractatu de fide, et fidei professione, disput. 1, Q. 3, § 2, ubi censet petitionem Naaman versari circa rem illicitam, scilicet circa professionem idololatriæ, ipsumque putasse se cooperaturum idololatriæ regis, ideoque Elisæum non abnuere nec directe respondere, sed permittere, id est negative se habere; quia videbat ipsum hoc tempore esse adhuc incapace correctionis, ad deponendam hanc idolatriæ simulationem, ideoque correctionem in aliud tempus distulisse; atque pro hac vice sufficisse ei, quod Naaman Syrum ad veri Dei cognitionem perduisset.

Si assertoribus hujus opinionis objicias, quare ergo dixit Elisæus : *Vade in pace?* respondent. verba illa

Elisæi non esse judicantis adorationem Naaman esse licitam; quia Elisæus non erat desuper interrogatus, neque enim Naaman petivit facultatem licite adorandi in templo Remmon, sed hoc unum rogavit, ut pro se deprecaretur Dominum, efficeretque ut hoc delictum sibi ignosceretur a Deo. Unde verba Elisæi: *Vade in pace* (juxta hanc opinionem), non sunt approbantis adorationem Naaman tanguam rem licitam, sed sponte se facturum quod postulaverat, scilicet quod pro eo deprecaretur Dominum.

Si quis instet, si adoratio Naaman fuerit illicita, cur illum non instruxit Eliseus, et ab ea deterruit? respondent hujus opinionis autores, quia videbat prophetam eum metu regis nimis præoccupatum. Addunt, quod forte instruxerit, quamvis Scriptura id taceat.

Si quis ulterius urgeat, quomodo ergo Naaman serio potuerit implorare preces Elisæi, si talem adorationem nollet metu regis omittere? respondent, quod propter imperfectam et inefficacem voluntatem omittendi, quam habebat Naaman, quæ efficaci gratia poterat fieri efficax, et ut fieret efficax, serio potuerit Elisæus Dominum deprecari.

Sed hæc videntur potius speciose quam vere dici: ut quid enim Naaman regem, cui tam carus erat, timuisset pro non adorando idolo, quem non timuit pro adorando Deo Israel, ipsique altare exstremo, etc? Deinde tentatio Dei est, sive irritatio, ipsum orare, ut velit tibi dimittere peccata futura, quæ actualiter vis suo tempore perpetrare. Quare

Dico 3. Adoratio Naaman fuit obsequium mere politicum, adeoque licitum. Porro obsequium politicum distinguitur a servili per hoc, quod non fiat causa dominum suum adjuvandi, sed solummodo honorandi, juxta morem quo alii domini a suis honorantur.

Cum itaque Naaman esset princeps militie, et valde carus regi, incedebat ad latus ejus, et rex sustentabatur super manum ejus. Quare necesse erat, ut Naaman se ad regis motum atque habitum accommodaret. Ex quo siebat, ut cum rege stante staret, cum incedente incederet: consequenter si rex in terram procederet, aut in genua procumberet, non poterat Naaman se non inclinare, et speciem saltem edere adorantis ac supplicis, præsertim dum rex humeris ipsius innibet.

Sicut enim lib. Esther, cap. XV, 6, ubi de illa regina dicitur: *Super unam quidem (famulam) innibatur, quasi præ deliciis, et nimia teneritudine corpus suum ferre non sustinens*, obsequium hujus famulae erat mere politicum, ita similiter obsequium Naaman erat mere politicum: nam etiam rex Syriae quædam quasi teneritudinem vel delicias affectans, aut potius decoris causa, cum incederet, aut quacumque de causa se prosterneret, solebat inniti aut manibus aut humeris primari principis. Quod enim solerent reges aliorum manibus aut humeris inniti, patet infra ex cap. VII, 2 et 17, ubi Joram rex Israel legitur incurruisse super manum ducis sui. Porro obsequium quod dux ille exhibebat regi Israel, etiam videtur Naaman exhibuisse regi Syriae: nam quod erat dux ille respe-

ctu Joram, hoc erat Naaman respectu Benadad.

Quod autem petat preces prophetæ, ut Deus sibi illud obsequium ignoscat, ideo est, quia multa quidem sunt in se licita, sed non semper facienda, nisi sit aliqua justa causa, qualem hic habebat Naaman: unde petit preces Elisæi, ne illud obsequium fiat illi aliquando occasio relabendi.

Unde quod ait Elisæus: *Vade in pace*, non est dispensantis, sed declarantis licitum esse, quod faciebat, inquit Estius. Id autem erat adorare, hoc est procumbere, et inclinare se ad sustentandum regem, volentem adorare in templo Remmon: græce enim pro adorare est προσκυνεῖν proscynein, hoc est procumbere, seu advolvi. Id autem Naaman non solum ibi, sed et alibi faciebat, quotiescumque rex super eum volebat inclinare. Quod igitur alibi licite poterat facere, id non erat illicitum facere in templo Remmon. Ita Estius.

Patet id etiam ex verbo hebraico Sachab, quod propriè significat curvare, vel incurvare se, quemadmodum hic vertit Arias Montanus. Unde etiam Paraphrasis chaldaica habet: *Cum intraverit dominus meus in domum Remmon, ut adoret ibi, et ipse innixus fuerit super manum meam, et incurvavero me.*

Itaque jam dicta incurvatio ex natura sua non est vera adoratio; et nonnisi impropriè per catachresin, seu verbi abusionem adoratio vocatur; quandoquidem non sit nisi obsequium domino debitum a famulo, quod si famulus omitteret, non inurbanus tantum, sed etiam infidelis haberetur.

SOLVUNTUR ARGUMENTA.— Obj. I. Adoratio regis et adoratio Naaman exprimuntur eodem vocabulo, tam in hebræo, quam in græco et latino. Atqui adoratio regis fuit idolatrica; ergo et adoratio Naaman.

R. disparitatem peti ex circumstantiis, quas satis observavit textus chaldaeus, dum regi adoracionem, ipsi vero Naaman incurvationem attribuit. Cum ergo verbum hebraicum Sachab, pro quo adorare reddit hoc loco S. Hieronymus, propriè signifcat incurvare se, aut humiliare (quo modo millies ipse Hieron. expositi, ut testatur Sanctus) vi solius verbi adorare non habetur, quod rex Syriae exhibuerit cultum idolatriæ cooperatus, sed id evincitur aliunde seu ex circumstantiis.

Obj. II. Naaman cooperabatur regi adoranti Remmon; ergo cooperabatur ejus idolatriæ.

R. Neg. conseq. Nam ut observat A Lapide, Naaman cooperabatur duntaxat regi ad actionem naturalem, scilicet ad solam curvationem corporis, non autem ad moralem, vel ad intentionem regis, quæ erat se incurvando adorare idolum. Sic nobiles, qui comitantur regem euntem ad templum infideli, non peccant: quia non comitantur, ut vadat et intersit illicitis infideli ritibus, sed absolute ut vadat quocumque libuerit: comitantur enim eum honoris gratia, et causa obsequii, sicut famuli suum dominum.

Obj. III. Famulus, qui supponit humeros domino suo, ut ascendat per fenestras ad constuprandam

virginem, cooperatur ejus stupro, et graviter peccat; ergo etiam Naaman Syrus supponens humeros regi, ut adoraret idolum, cooperatus est culti idolatrico; et consequenter graviter peccavit.

Antecedens patet ex propositione 51 damnata per Innoc. XI, quæ ita sonat: *Famulus, qui submissis humeris scienter adjuvat herum suum ascendere per fenestras ad stuprandam virginem, et multoties ei inservit, deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, ne a domino male tractetur, ne torvis oculis aspiciatur, ne domo expellatur.*

Neg. conseq. Disparitas enim ultro occurrit in oculis: siquidem in casu propositionis damnatae illa suppositio humerorum est medium influens in stuprum: in casu autem Naaman Syri submissio mere praestabatur obsequii et decoris gratia, nec ullo modo in idolatriam regis influerat.

Hinc Tertul. lib. de Idolatria cap. XVita scribit: *Sed quoniam ita malis seculum circumdedit idolatria, licet adessem in quibusdam, quæ nos homini, non idolo officiosos habent. Plane ad sacerdotium, et sacrificium vocatus, non ibo (proprium enim diaboli officium est), sed neque consilio, neque sumptu, aliave opera hujusmodi fungar: si propter sacrificium vocatus assistam, ero particeps idolatriæ: si me alia causa conjungit sacrificanti, ero tantum spectator sacrificii.*

Reflectendum igitur bene est, an obsequium, quod ab aliquo petitur, aut alicui præstatur, petatur, aut præstetur propter ipsam actionem malam, seu ratione actionis malæ, ut nempe hac facilius, et commodius exercatur. Si ita contingat, ille qui istud obsequium illo casu exhibet, peccat; quia tunc cooperatur actioni malæ. Et sic etiam Naaman peccasset, si vel ad petitionem regis, vel etiam sponte eum sustentasset, ut ipse rex facilius, vel commodius potuisset exhibere cultum idolatriæ in templo Remmon. At cum Naaman hoc non fecerit, sed solum decoris aut honoris gratia regem sustentaverit: ideo idolatriæ cooperatus non fuit; ac consequenter nec peccavit.

Obj. IV. Diaconus, qui sacerdoti solemniter celebranti, et calicem offerenti porrigit dextram, cooperatur actioni sacrae; ergo Naaman manum porrigit regi adoranti idolum, videtur particeps cultus idolatriæ.

R. Neg. conseq. Siquidem diaconus vi ordinationis specialiter deputatur ad hoc ministerium: adeoque vi officii et muneris sui concurrit ad actionem sacram: Naaman vero tantum generaliter tenebatur obsequi regi, nec specialiter deputatus erat, aut rogatus, ut ei in cultu idolatrio ministraret.

Obj. V. Ex verbis Naaman ad Elisæum videtur manifestum, quod se peccare existimaverit ita adorando; alias enim non petivisset sibi ignosci a Domino intercessione Elisæi, si sibi persuasisset adorationem suam esse obsequium mere politicum, non simulationem idolatriæ.

R. Ultra ea, quæ de petitione Naaman supra dicta

sunt, quod in initio forte formidaverit, aut apprehenderit aliquam culpm in isto obsequio politico (sicut faciunt, qui sunt conscientiae meticulosæ) et ideo rogarerit Elisæum, ut oraret Dominum pro se, scilicet si aliquo modo in hoc delinqueret, ut ignoscatur sibi. Elisæus autem declaravit ei: quod hoc non esset illicitum dicendo: *Vade in pace*. Ac si diceret: Perge securus de hoc, quia non peccabis hoc faciendo. Ita Lyranus et Abulensis cum communis sententia.

Et revera, ex eo quod Elisæus diceret: *Vade in pace*, omnino colligebat Naaman Elisæum ipsius petitioni annuere, et concedere, ut rege adorante, adoraret, id est se incurvaret etiam ipse in templo Remmon: quare nisi hoc fuisset ipsi licitum, Elisæus foisset et confirmasset Naaman in sua idolatria; quod absit.

Et sane quid profuisset Naaman Syro conversum esse ad cultum veri Dei, si interim securus dimittabatur a propheta in simulatione idolatriæ? Certe hæc ipsa et grave peccatum est, et ad damnationem eternam ei sufficiebat.

Obj. VI. Saltem Naaman peccabat peccato scandali: putabant enim aulici eum adorare cum rege idolum Remmon, cum tamen scirent eum esse cultorem Dei Israel.

Nulum hic intervenisse scandalum, tum quia sciebant Naaman ex officio teneri ad sustentandum regem in hac corporis curvatione; tum quia Naaman publice abdicarat idola, et profitebatur cultum Dei Israel, eique altare erexerat, ubi cum tota sua familia Deum verum adorabat, et suis temporibus sacrificium offerebat.

Obj. VII. Si adoratio, seu prostratio Naaman posset excusari a peccato, etiam ab eo excusari poterit cultus Confucii apud Sinenses, de quo a multis annis sub Innocentio XII et Clemente XI ejus successore magna mota fuit quæstio. Nam adoratio sive prostratio, et thuris oblatio, quæ fit coram statua Confucii, non semper fit ad protestandum in eo aliquam divinitatem (ut nonnulli conati sunt persuadere), sed mere ad testificandum, quod fuerit magnus politicus, philosophus, aut vir sapientia celebris, qui rempublicam Sinensem sapientissimis legibus instituit, etc. Item ejusmodi adoratio, et thuris oblatio etiam a Sinensibus offertur legatis, aliisque personis excellentibus; adeoque non est nisi adoratio quædam politica, et cultus civilis: ac proinde Sinensibus ad veram fidem conversis non videtur interdicendus. Atqui tamen Roma illum cultum prohibuit, et damnavit sententiam illorum missionariorum, qui eundem, tanquam mere civilem, asserebant, permittebant, et a peccato excusabant; ergo, etc.

Prob. min. ex Bulla Clementis XI quæ incipit: *Ex illa die, edita 19 martii anni 1713, in qua sua sanctitas inter ceteros illicitos Sinensium ritus etiam prohibet sequentes, et ita decernit: Ad hæc nullatenus, nullaque de causa permittendum esse Christi fidelibus, quod præsent, ministrent, aut intersint solemnibus sacrificiis, seu oblationibus, quæ a Sinensibus in utroque*